



آذربایجان ناغیل لاری

خوی روایتی

انشیدیب یازان : علیرضا ذیحق



علیرضا ذیحق

آذربایجان ناغیل لاری

آننین یازیسی

بیرگون وار ایدي بیر گون یوخ ایدي . آلاهدان سنوای هئش کیم یوخ ایدي . بیر شاه واریدی و اونون بیر خانیمی . گون لرین بیرینده شاهین خانیمی بیخیلان کیمی آننی نین دریسی سویولور . شاه گورور اونون آنیندا یازیب لار: " بو آروادی اوغورلوغا خاطر توتوب باشین قیرخاقلار. " شاه قالیر آل دن آمانا ونئینه سین نئینه مه سین اوغلون چاغیریر دئیر: " بو اونون آننی نین یازیسی دی و سیلمه ی اولماز . بیزیم ده بو مملکت ده آبر حیا میز وار و من دئیره م ائله گیزلینجه آنان دا گوتوروب گئت اوزگه بیریره و او قدر اونان اوردا قال کی آننی نین یازیسی باشینا گلیب قئیده سیز. "

شاهین اوغلو آناسی نی دا گوتوروب چیخیر یولا . اوزاق بیر ییره گندیب آدسانارینی گیزله دیلر . شاهین خانیمی اوردا بیر به ی آروادی نان دوست اولوب بیرگون گندیلر حاماما . یویونوب گئجیلر و حاماما ن چیخاندا ، به بین خانیمی گورورکی قیزیل گردنبندی یوخ دی . هریانی آت ویریب اوس چیخیرآما اونی تا پانمیر . ظن نی گندیر شاهین خانیمینا . نییه کی حامام قوروغ ایدي واونان علاوه هئش کس حامام دا یوخ ایدي . ایش چکیر شیکایه ته و اونون باشینی قیرخیب شهري دؤد دؤره دولانديريللار .

نچه گون سورا کنیزلر چیح لی پالتار لاری یو یوردولار کی آل لرینه بیر شئی دیر . تشت ده کی پالتارلاری ییره تۆکوب ایش لرینی آختاراندا ، قیزیل گردنبندی تاپیب خانیم موشتو لوخ وئریلر . به بین خانیمی گورور کی ناخا ییره خاخا بؤهتان ویریب او آروادین آبرینا توخونوب دی . پئشمان اولوب گندیرحلال لیغ آماغا کی گورور اونار او ائوی بوشالیدیب گندیب لر . قاپی قونشودان اوناری سوروشوب آختارسا دا هئش کس اونارین هارا گتتیح لرینی بولمور.

شاهین خانیمی اوغلونان برابر اؤز مملکت دَرینه دؤنوری و گینه باشلیر ، گئشمیش ده کی کیمی قصرده اؤز خانیم لیغینا . گۆی دن اوچ آما دوشور ، بیری منیم بیری سنین بیری ده ناغیل دییه نین .

خوي روايتي - 74/7/3

روايت انده ن : رحمتلي آنام علويه خانيم

انشيديب يازان : عليرضا ذيق

www.zihag.blogfa.com

zihagh@yahoo.com

This document was created with Win2PDF available at <http://www.daneprairie.com>.
The unregistered version of Win2PDF is for evaluation or non-commercial use only.